

古今尺牘大觀 下編一



敘言

古今尺牘大觀上中兩編既先後再版矣茲下編亦賡續告成上編所采自周至唐三千年中編所采自宋之明七百年合之都九十萬言茲編專采清及近代爲時不及三百年而得文六十萬言詩三百篇書頌二南不過居什之一二尙書百篇虞夏書刪存之目不過居什之二三遠略而近詳固時代使然抑其間學術之隆風會之啟亦實有非前此所得而同者理學如康雍上邁元明經術如乾嘉直追兩漢其間文章家主義理者多淡遠簡樸之致尙色澤者極沈博絕麗之觀卽旁通梵典諸家亦多闡幽詣微之語至咸同間禍亂亟矣有元老之壯猷而學者羣焉宗仰下逮光宣時局衰矣惟西力之東漸而時論爲之一新故語其盛則跨越累朝際其衰亦特開異境者也而且版圖式廓曩日金元遺族漸漬於同文者久非復完顏氏奇渥溫氏之舊搢紳先生不乏郁郁彬彬之選旁搜集部如入寶山尺牘一門特其鱗爪然而友朋商榷父師勸勉大而政學之宏深細而物情

之纖悉。靡不載其性情學問。以俱出而有裨於實用。時代愈近。搜討愈富。此亦自然之理也。毓龍承乏茲編。深慙謏陋。寒暑晝夜。采輯排比。猶苦緜力不逮。則乞助於張熊吉君。元夢鄭午昌君。昶而始終其事。搜考不倦者。則尤以朱觀吾君用賓之力爲多。三君精心鑒別。俾茲編得免續貂之誚。餉遺學者。匪獨區區之私幸也。其整理校讎者。又賴有褚東郊君保釐。磨光刮垢。煞費苦心。讀者合上二編求之。既窺是書全豹。亦未始非知人論世之一助云。民國十一年十二月杭縣鍾毓龍識。

現行公文程式例解

全 二 冊 定 價 五 角

一本書編輯之主旨在使未習公文者有研究之途徑
已習公文者得參考之資料

一本書首錄公文程式令次列公文作法公文用語計
六十一則次依公文程式分十三章逐類舉例并逐
類選錄公文俾閱者於詳悉體裁之外更得公文之
絕好模範

一所載舉例於公文式例無不詳舉如咨文中之咨明
咨請咨送咨查咨復咨催等是

一選錄之公文其內容事實均取其不相同者

一文中關鍵之處均加按語詳爲說明

一公文遇手續繁複之件均於文中用括弧劃其起訖
并加夾註說明

一呈文一類凡舉例錄文均特別加詳期合普通社會
之實用

教育部褒獎

商業指南

全一冊 定價九角

本書內容豐富。關於商界應用文件。悉依現行商事法令。臚舉靡有遺分。「稟」「函」「說帖」「契」「據」「約」「券」「票」「單」「條」「書」「表」「招貼」「簿記」等十四門。遇有疑義及與條件上習慣上有關係者。概加說明。他如公司條例。註冊規程等。則視文件之性質。而附於其後。有需應用印花稅者。並詳誌其種類數目。刪節虛文。務切實用。堪稱工商界之寶筏。商店學徒用作自修。尤為相宜。

教育部審定 湖北楊汝梅著

新式銀行簿記及實務

紙面洋裝一冊 定價二元

銀行簿記之改革。日新月異。湖北楊汝梅先生。久主是科講席。並歷任財政審計各職。學識經驗。無待贅言。是書為先生最近著作。業經教育部審定。茲錄批語如下。

教育部批

該書薈萃東西最近出版之名著。參以吾國固有之習慣。搜羅豐富。井井有條。堪稱善本。應准作為各學校簿記學及銀行學之參考書。

古今尺牘大觀 下編類目

達情類

感慕

懇摯(以上第一冊)

抒懷(以上第二冊)

牢騷

詼諧

恬淡

惋傷

雜類(以上第三冊)

論理類

論文(以上第四冊)

論學

論經

論史(以上第五冊)

考禮

論兵

論政

水利(以上第六冊)

論詩

小學

論字

論金石

論畫

談佛(以上第七冊)

辨駁

糾繩(以上第八冊)

雜論(以上第九冊)

敘事類

祈請

薦揚(以上第十冊)

辭謝

致謝

致賀

干謁(以上第十一冊)

稱頌

激勵

諷勸(以上第十二冊)

責讓

絕交

規戒

訓誡(以上第十三冊)

引咎

慰藉

陳述(以上第十四冊)

況狀(以上第十五冊)

謙抑

餽贈

獻文

獻詩

雜事(以上第十六冊)

古今尺牘大觀 下編

第一冊

目錄

達情類

感慕

清儲方慶與李處士書

清李雯與金長留書

清高珩與周減齋書

清張嘉玲上張考夫先生書

清安致遠與周櫟園先生書

清楊思聖與紀伯紫書

清汪琬與王處士書

清宋琬答尤展成書

清計東與宋牧仲書

清宗元鼎寄禮部王阮亭先生書

清王士正致汪苕文書

清儲大文與陳滄州書

清李振裕答吳晴巖書

清李堪答馮樞夫書

清湯斌答顧亭林書

清張星象與龔海峯書

清邵齊燾答周芝山同年書

清袁枚與蔣苕生書

清陳壽祺與孫制府書

清徐熊飛答吳祭酒師書

清劉儀復高雨農書

清方履籛與李申耆書

清張泰青與商山族叔書

清葛其仁與徐桓生書

清姚謐與陳碩父先生書

清呂璜與吳仲倫先生書

清姚瑩上韓中丞書

清湯鵬與陶雲汀中丞書

清湯成彥十二月十九日約同人祀蘇文忠公啓

清張度致陸存齋書

清魯仕驥上朱梅崖先生書

清吳存義寄陳鏡蓉書

清張培仁與鄭小谷丈書

清郭傳璞上李次青方伯書

清王詒壽與陳藍洲書

清袁昶致吳子修太史書

清孫德祖上張孝達師書

清陸元鼎致吳子修太史書

懇摯

清董以寧寄方坦庵先生書

清黃中堅答倪父迂書

清丁澎遺宋玉叔書

清魏象樞東孫鍾元先生書

清方孝標上黃改庵先生書

清王源與湯西厓書

清惲格與王石谷書

清方苞與翁止園書

清顏伯珣與姪書

清汪縉與顧文祿柏述太孺人節孝書

清鄭燮范縣署中寄舍弟墨

清陳梓與從兄君任書

清方垌與沈南一書

清汪中與劉端臨書

清洪符孫與孟孫書

清金應麟與帥子文侍御書

清鄧顯鵬與舍弟湘臯改就教職書

清鄧顯鵬與湘臯勸就教職第二書

清陳壽祺與漳州諸同人書

清姚燮揚州寄湯海秋郎中書

清羅汝懷復曾爵相書

清吳振棫與滇中團練局紳書

清曾國藩覆李次青之太夫人書

清曾國藩復賀耦庚中丞書

清顧壽楨爲戚屬范夫人與外書

清施補華與弟書

清涂景濤複女兒穉芸穉蘭書

清俞樾答汪蓮府昆季書

清金壽祺與陳某書

孫同康與翁笏齋書

古今尺牘大觀 下編

第一冊

杭縣 鍾毓龍
纂輯

朱用賓

達情類

感慕

清儲方慶與李處士書

僕入晉三年。始得識傅青主。一見如故交。因縱論天下人物。於秦中則推足下。以爲可與劉穆之比。青主相人多矣。獨心折足下。足下必非常人也。常人之相見也。必以文。且有所媒。而後相合。而又非無爲而求交者。至於英人傑士。意氣交得。可以貫金石。通神明。而其不謀而合之故。固往往忽然致之。無端遇之也。僕吳人。與足下相去三千里。今爲晉吏。亦有二千里之隔。不得見足下。中間又無親知故舊。

與足下爲緣者。足下爲處士。僕爲吏。其道又不相涉。三者乃常人之交所深忌也。而僕輒貿貿然於數千里外。一無所見。忽致書不謀面之人者。何哉。亦以足下非常人也。足下如常人乎。則必訝矣。足下必不訝也。今青主嗣君來秦。故附一言以道意。

清李雯與金長留書

太僕歸里。得詢先生起居。及令子無恙。差以爲慰。家君旣終遁窮荒。雯也復遭再別。深慚故人厚義。退而自責。未嘗不頓足而拊膺也。先生春秋漸高。胤息單弱。令桑梓貴人在長安中。能衣被人者。皆無昔日之雅。杖馬箠銜酒杯者。朝夕在何許。此愚父子所燕居而深念者也。先生髮短而心長。居於窮巷之中。不媿金石之義。其意氣豈特曹邱君卿而已哉。然二子皆交通貴人。周旋緩急。在於形要。故能使聲名發聞。傳之史冊。而先生之所急者。乃在遠戍窮交。布衣下士。特時勢有不便。要其志義。奚啻古人。使後世更有一太史公。班孟堅。揚微闡幽。則游俠之傳。其必

有金先生矣。先生望雲間之樹。髮也望長安之門。皆不可得而見。所願順時自愛。更期三年。髮雖不才。猶當背城借一。或髮之北轅。卽爲先生之南轅。未知造物者謂何耳。

清高珩與周減齋書

憶公初拜烏臺。弟亦甫入詞林。摳衣龍門。公方買書滿地。回首猶昨日事也。後於京邸。過承會存。然未得清酒三升。媿媿松枝麈尾。爲惜耳。敏公年兄南還。急攫新詩數冊。後以無別本來索還之。至今以爲恨事。弟雖素不知詩。而於時賢中心儀者。三人公與芝麓梅村也。龔如金鵬。劈海奇健。無前公與吳則真。長仲祖一代宗雅卓然。正始之音。數年來每憶不仙不佛不封侯之句。輒爲莞然。公侯且置。李北平自爲解嘲。若出世是吾輩屋裏事。何得向散花天女受記。荊耶笑笑。老公祖久宦南服。異人接踵。想已發明向上事矣。弟亦孜孜向黃冠。無大效。泰究未得手。當策蹇問道。熊軾下。或不惜發覆示之乎。

清張嘉玲上張考夫先生書

側聞鄉邦之內有大賢焉。理學素有淵源。言行足爲師表。而儉德用晦。若不欲有聞於世。此固非淺陋所能窺測。以愚度之。豈非所謂守先待後者耶。好學之士。苟聞下風。當必有千里相求。唯恐不得一見者。而玲顧寸步不能自致。尙可謂有志乎。早夜自維。倘得及門受學。雖不敢大望。或藉提攜激發之力。痛自懲艾。使不流爲亂倫滅紀之罪人。卽一旦溘死。亦有以見先人於地下。中懷耿耿。非一日矣。所以逡巡卻步。望門牆而未敢遽進者。旣恐無受教之地。又懼以素行之不孚。而不爲大賢之所許。是以區區之意。無可陳告。去冬幸得凌先生通賤名於左右。親炙道範。先生不拒而禮貌之。教之誨之一。似矜玲之陷溺而不悉其不肖者。意亦有教無類之心耶。退而靜念。庶幾自比於墨者夷之列。且又以爲不見拒於大賢。將時操祓篲於有道之門。以爲出谷遷喬之計。悽悽丹忱。懷已數年。而不意先生拒之深也。夫日月所照。靡間容光。雨露所濡。不遺朽木。若曰。自授書而外。未嘗有。

曰師曰弟子者則上既不獲隨敬夫諸子執箕膺搗於前下又不得從蔡生授几奉杖於後無一念至誠不自知其涕泗之橫生也而諸君子之進說於函丈者猥以朱蔡爲言則先生且將隱度之曰朱子固予所願學玲猶不足當季通之一映惡乎知夫道若是則先生之牢關而嚴拒固宜諸君子不棄玲而終覆露之請易說以前曰與其進歸斯受孔門家法也震澤之濱有一人焉與波上下幾死者數大懼而號救於先生者六年矣又如是而後救恐終汨沒矣其勢急其情悲仁人能終不一動心乎倘得矜哀而蚤收之以療其饑渴之害心以少答父母生我之意於萬一則先生成全之德沒齒不忘而諸君子以大公之懷而引掖放廢之人俾賸得聽俾蒙得視而敢不飭身補過以爲圖報之地乎雖然玲非獨爲一己之私而已誠願先生懼生心害政之禍體孟子朱子之心毋終執謙退以龍潭老人自處用是興起斯文萬物並育則師道立人倫明他日一陽復生天下英才應運而作或有其人而孔孟程朱之統豈終無所託乎昔昌黎上宰相三書士林惜之

玲以困蒙求師。當不嫌於瀆。故雖見絕而不知止。今聞講席將東。敢爾上塵台聽。伏懇朝夕從容。轉布下誠。俾遂區區。幸甚幸甚。

清安致遠與周櫟園先生書

世局滄桑。海內名宿。或山修河阻。徒厪思存。或楓葉霜花。難留碩果。獨先生以耄之身。司命風雅。而小子以方壯之齒。託分編民。廿年結想。自分如迷影阿閼。不可復遇。乃一旦登堂握手。親炙威儀。夙分累劫。夫豈偶然。自晉接以來。琳瑯滿懷。錫自天上。觴詠交錯。夢入仙遊。倒屣投綯。前修以爲美談。不知先生吐握襟期。於古人何若。在致遠循分。內省幾自忘其身之爲今人也。但自念於詩文一道。旣無師授。又少專功。垂髫棘試。七戰輒北。帖括有鬼。筆墨無靈。性復戀愛光景。不耐閒寂。以致生計憔悴。甚至門無長鬚。才慚穎士。室乏腫指。箋謝天公。又所居近古劇城。是漢張步所都。斥鹵荒涼。人多椎野。尋常驢足。所到東西。則營陵廣固。南抵朱虛。北絕溟海。周回二三百里中。皆橋舌騷雅。汨情慶弔。憤悱欲絕。思韻隨枯。人生

心力幾何一荒於制藝再困於貧三辱於獨而先生猶以爲孺子可教也譬如幽草觸日彩以懷新相彼慵魚聞雷聲而思奮矣比讀賴古堂詩情浮其貌意勝於法遠想長思徑致獨絕年來七子浮歛息而復然止須此老筆深情掄之致遠惟從三千之後奉揚鐸音而已

清楊思聖與紀伯紫書

長安論詩如昨日耳每每從往來者問紀先生行蹤南望少微知竹杖芒履逍遙於杏村龍潭間素藝徐引高歌岸幘何復別有蓬瀛弟遂奔走風塵幾成俗吏太行登頓世路險巇去歲簿書兀兀如失舵孤舟今弟復攘攘粟芻如求林饑鶴老社翁聞之當爲一嘆息也然而面雖積垢此心綴於筆墨終未能斷新作肯寄示乎固庵之便特附候音知己久離把臂傾倒弟不能不欣羨固庵耳

清汪琬與王處士書

琬入仕以來數爲利祿所驅雖亦嘗以其餘日有志經史之學而茫乎未涉其涯